



## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

4. Domus Sapie[n]tiæ Mundanæ: Quæ inimica est Deo.

[urn:nbn:de:hbz:466:1-46065](#)

mobile apprehendunt, & consequantur ETHICA totius  
vitæ finem, quæ est beatitudo vel felicitas, & ad illam  
media, quæ sunt virtutes, considerat. Ejus peritiam non  
habent qui nullum veræ felicitatis scopum sibi propo-  
nunt: neque actiones suas ita moderantur, ut ad finem  
ad quem à DEO sunt conditi, conducant, vitiorum se-  
statores, non virtutum. THEOLOGIA DEUM ac Divina  
speculatur: à quâ alieni sunt, qui non nisi in humanis oc-  
cupantur, homines terrenis, & quæ carnem ac sanguinem  
sapient, dediti. Ita ferè Domum Sapientiæ parabolam,  
quatenus Encyclopædiam designat- auctores il-  
lius interpretationis constituunt, & moralibus emblematis exornant.

## ARTICULUS IV.

## DOMUS SAPIENTIÆ MUNDANÆ

*Quæ inimica est Deo.*

HUUS descriptionem desumo ex Cardinale Ugone  
Ordinis Prædicatotum in caput ix: Proverb. Qua-  
re, si quid cuiquam in illâ videatur minus probum, Au-  
ctorem convenient. Habet inquit ille, Diabolus suam  
Domum, scilicet Sapientiam hujus mundi, quæ inimi-  
ca est Deo. Cujus septem sunt Columnæ, Grammatica,  
Dialectica, Rhetorica, Arithmeticæ, Musica, Geometria, Astro-  
nomia. Habet enim Diabolus Grammaticos suos, sicut  
& Deus suos. GRAMMATICI Diaboli sunt omnes Hy-  
pocritæ, qui recte & congrue loquuntur, sed congrue ad  
imposturam. DIALECTICI Diaboli sunt omnes Dolosi,  
qui sophisticè loquuntur, ut decipient. De quibus Eccle-  
siastici xxxvii. Qui Sophistice loquitur, odibilis est. Nimi-  
rum Deo & hominibus. RHETORES Diaboli sunt ad-  
yocati, qui caussas iniquas foverint potentum; causa au-

tem

tem pupilli & viduæ, non ingreditur ad eos, ut dicitur  
 saepe. Caussidicorum lingua damnifica est, nisi eam fu-  
 nibus argenteis vincias. ARITHMETICI Diaboli sunt o-  
 mnes, qui habent Numerum præbendarum: sive Beneficiorum.  
 De quibus dicitur Apocalypsis XIII. Et vidi de mari Besi-  
 am ascendentem habentem capita septem, id est, septem Epi-  
 scopos: & Cornua decem, id est, decem dignitates, & su-  
 per cornua ejus decem diademata, id est, decem Mitrae:  
 quoque enim Ecclesiis habet præbendā, tot mitras habet in ca-  
 pite suo, sive præsumptione. Ob hoc enim præbendas retinem-  
 cum ad nihil aliud sibi valeant, nisi ad solam spem, ut sic Episcopa-  
 rum possint adipisci. Ita loquitur Cardinalis Ugo. Music  
 Diaboli sunt Adulatores, qui omnibus in bono & ma-  
 lo concordant, GEOMETRAE Diaboli sunt Quidam  
 superficialiter Justi, qui sibi propitiis sunt, aliis auten  
 austeri, Quod valde damnabile est, maximè in Prælati  
 & Confessariis. De quibus dicit Dominus Matthæus XII.  
 Super cathedram Moysi sederunt Scribae & Pharisei: Omnia ergo  
 quæcunque dixerint vobis, servate & facite: secundum opera. ver-  
 eorum nolite facere. Dicunt enim & non faciunt. Alligant autem  
 onera gravia, & importabilia, & imponunt in humeros homi-  
 num: digito autem suo nolunt ea movere. In hos quadrat illud  
 Proverbior. xx. Abominatio est apud Deum pondus & pondus  
 statera dolosa non est bona. ASTRONOMI Diaboli sunt curio-  
 si, qui relictis necessariis de cursu siderum diligenter in-  
 quirunt, quib[us] dicitur Ecc. III. Altiora te ne quaesieris, & for-  
 tiora te ne scrutatus fueris: Sed quæ præcepit tibi Deus, illa cognos-  
 semper, & in pluribus operibus eius non eris curiosus. & Cato  
 Mitte arcana Dei, calumq[ue] inquirere quid sit.

SER- V, i Nam  
 scribens